

leg sie in einen Zaren / sechs oder acht tag /
vnd mit dem wasch den Krebs / darnach nim
Margaranthen schelffen / album grecum /
gar rool gepulvert / vnd vnder einander tem-
periert / das see auff den Krebs / darnach
netz ein tüchel / in ein weinstainöl / vnd legs
darüber auff das pflaster.

Ein helles güts gesicht zumachen / vnd
helle augen / biß inn sein lets-
tes endt.

Nimb ein leyne tüch / das sehr gebrauchte
oder getragen ist / vnd das es sauber sey / das
brenn auff einem Stehlin ferorspiegel / so
findestu auff dem Spiegel ein safft oder öl /
dasselb öl nimb / vnd thue es in die augen /
vnd das thue gemaintlich nach dem bad.

Folgen die pulfer.

Ein pulfer zumachen / für alt vnd new
scheden.

Nimb Bibenellen wurzel / vnd meysters
wurtz / vnd hollwurtz / vnd nimb eins als
vil als des andern / vnd dörr die zu pulfer /
vnd see es darnach in den schaden / es trückt
net vnd heylet gwaltig.

Ein

117
Ein pulfer zumachen/ das hait/ vnd trück-
net/alles faules fleisch.

Nimb forchin hartz/ zerlas in einem
scherben/vnnd geuß ein lautter wasser dar-
auff/das thue dreymal/darnach nimm hecht
wenglin/vnd die zen/vnd dör die in einem
heysen ofen/vnnd nimb fischbain das die
Goldtschmid brauchen/vnnd stof alles zu
pulfer/vnnd see es in die seyle/oder flüß/es
hait krefftiglichen.

Ein pulfer zu dem Stich pflaster.

Nimb sperma ceti/ein quintlin/mumia
auch als vil/ein wenig bol armen/mach ein
pulfer darauf/vnnd gibs dem krancken inn
wein vermengt/oder inn einer Erbis prü
zutrincken.

Ein bewert pulfer Leschung.

Nimb ein maß gebranten wein/vn zwey
lot gaffer/vnd für einen pfenning vitriol/
dise stuck alle zusamen getemperiert/so ist
es gerecht.

Ein bewert pulfer zu allen wunden/ in dem
Haupt/vnd man mag es auch brau-
chen ohn alle sorg.

Item/dises pulfer macht fleisch wachsen
h ij vnd

vnd stekt das geblüt / vnd sterckt das hirn.
 So nim Colophonia drey lot / walwurtz vñ
 Lapidis hematitis, sanguinis traconis vnd
 mumia / jedes ein lot / Mastix vnd Oliban-
 num / jedes anderhalb lot / dz alles klein ge-
 pulfert / vnd darnach vnder einander tem-
 periert zusamen.

Ein güts pulfer zu allen scheden.

Nimb ein vierding alain / vnd ein vier-
 ding galles / vnd stoß das vnder einander /
 vnd prens zu pulfer / so ist gerecht.

Ein güt pulfer / zu den löchern an
 heimlichen orten.

Nimb tuciam / vnd lapidem calamina-
 rem / vñ aloepaticum / eins als vil als des an-
 dern / das mach alles zu pulfer / vnd wann
 dann einer löcher an heimlichen orten hat /
 so ist es gar ein fast güt pulfer.

Ein güt pulfer / wann einer nit harnen kan.

Nimb an dem fröling die plüh von einer
 Hagendorn stauden / vnd machs zu pulfer /
 vnd gibs dem der nit harnen kan / in einem
 wein zutrinken / es hülfst ihn fürwar.

Ein pulfer Leschung.

Nimb ein halb pfundt honig / zwey lot
 alain

alaun / die stuck temperier vnder einander /
vnd abents oder morgens bey einem kolfewer
oder warmen ofen gebraucht.

Ein güts pulfer für die schertzen.

Nimb alaun / schwebel / Kupfferwasser /
vñ fcenum græcum / jetweders ein vierding
vnd mach ein subtiles pulfer darauß / vnd
wann du des pulfer brauchen wilt / so nimb
ein löffel vol / vnd schits in ein heysß wasser /
vnd leg die hand darein.

Wann einer nit harnen mag.

Nimb brunnen kres / vnd dieselben mit
lauterm frischen wein gesotten / vnd dassel
bige trincken / auch in dasselbig fornen zum
Kor hinein gelassen / vnd thue dasselbige
offt / es hilfft / es sey an einem Menschen /
oder an einem vich.

Ein güte pulfer zu den fließenden sches
den / vnd insonderhait für
den Krebs.

Du solt nemen ein vierding galles spffel /
einen halben vierding poley / ein halben viers
ding Fischbain / das die Goldtschmid nüz
gen / das thue in die löcher / vñ leg nachmals
das obgemelt pflaster darauß / so heylt der
schad / raie böß er sey oder wöll.

Ein pulfer für gebrechen des manns
lichen Glids.

Nimb Mirren / sponngrien / weyrauch /
operment / gleich eins alhuil / als des andern
vnd reib das zu kleinem pulfer / darnach
nimb ein pilsensamen / den seud mit wasser /
vnd mit der prue wasch das mannlich ges
lyd / vnd thue dann erst das pulfer darein
oder darauff / von dem gesotten samen /
mach ein pflaster darauß / das halt alle ges
brechen desselbigen glieds.

Ein ander pulfer darzu.

Nimb hollwurtz / vnd mach die zu pul
fer / die ist fast gut darzu. Oder so sich das
glyd vom auff bleet / so nimb Gaismilch /
vnd mach die warm / vnd netz ein tüch dar
rinn / vnd schlags darnach vber.

Ein guts pulfer zu dem zepflin.

Nimb ein langen pfeffer / vnd weissen
Zundstreck / vnd machs zu pulfer gar klein /
vnd misch vnder einander / das ist gut vnd
gerecht.

Ein gütte Bülung.

Nimb trauffkraut / vnd wintergrien /
vnd ein Rosenkuchen / thue das zusammen in
einen

122
nen hasen / vnd ein deckin darüber gethon /
des lassen pulseren / so hastu ein gütte Bū-
lung vber die wunden.

Ein güts schwarz pulfer.

Nimb ein lot holwurz / ein lot zeytlos /
ein lot Margaranten schelffen / gepulfert /
ein lot glet / ein halb lot bol armen / ein halb
lot mastix / ein halb lot weissen weyrauch /
ein halb lot gebranten alain / vnd drey lot
Aloepatic.

Ein pulfer das trücfnet vnd
heylet.

Nimb schwertel / senff / hollwurz / jedes
drey quintlin / glet / sarcocolla / weyrauch /
mastix / jedes ein halb quintlin / jezundt so
mach dise stück alle zu einem kleinen pulfer /
so hastu es gerecht.

Ein anders pulfer / das seh: haile
vnd reynigt.

So nimb. aloepatic / weyrauch / sarco-
colla / trackenblüt / jedes ein quintlin / vnd
darauf ein pulfer gemacht.

Ein leschung vber hizig schäden.

Nimb von einem weissen compostkraut
die

die prüß / vnd ein gebrenten alaim / vnd vns
der einander geklopft / vnd darüber geschla-
gen.

Ein güt pulfer / das fleisch macht wachs-
sen / zu frischen wunden.

Nimb glet / hamerschlag / der rein gewes-
schen ist / vnd das groß Groschkraut / cen-
taurium maius , aloe / weyrauch / mastix /
eins als vil / als des andern / vnd mach ein
pulfer darauß.

Ein anders güts pflaster.

Nimb galmey gebrent / vnd lesch ihn in
wein / gepulfert / das ist güt wann man das
mit maisslin in die wunden thüt / das werth
dem faulen fleisch / vnd ist auch güt für an-
dere faule fistlen vnd Krebs.

Ein anders pulfer.

Nimb Weyrauch / sarcocolla / aloe / tras-
cken blüt / eins als vil als das ander / vnd
mach ein pulfer darauß.

Ein pulfer für faul fleisch.

Item / nimb gesotten Krebschalen / ges-
brent / das hailt schön / vnd trücket alle
wunden vnd feule.

Ein pulfer zü den alten wunden.

Nimb

123
Nimb zeytlosen gepulfert vnd das geseet
auff alte wunden / es verzert das faul fleisch
darinn / vnd frist das von grund heraus.

Ein güet pulfer das bald haut macht.

Nimb ein stuck Korellen / da man Korel-
len aufmacht / als man sie dan heraus brin-
get / oder wa du sie bekommen kanst / danit
sie seind zum trüeknen fast güet.

Ein edel pulfer zu des Manns gelyd
vnd löchern.

Nimb zehen ayer dotter / die hart gesot-
ten seind / vnd zwey lot spongrien / das thue
zusamen in einer pfannen / vnd brat es auff
dem fere / darauff wirdt ein salb / es wirdt
auch wenn du fast brenst / zu pulfer / das
selb pulfer magstu wenn du ander salben
machest / darüber thun / es heylt vnd reinigt
sehr fast von grund anß.

Ein anders pulfer.

Mach lac virginis mit starcker laug / vñ
mit dem paumöl / darmit wesch den schadē /
darnach nimb dz pulfer / zu dem selblin solt
du nemen / ein lot aloepatic / ein halb lot
spießglas wol gepulfert / vnd see dz pulfer in
die scheden / vnd alle tag mit dem lac virgins
anß gewesen / es reinigt vnd heilt fast.

Volge